

خيمته فيه من الأول بين بيت إيل وعاي . لحد مكان المدبح
 اللي بناه هناك في الأول ودعا فيه ابرام باسم الرب
 ولوط اللي كان مرافق ابرام كان له كان غنم وبقر وخيام .
 وعلشان ان املاك ومواشي ابرام ولوط كانت كتيرة ما ساعتهمش
 الارض علشان يسكنوا مع بعض . وحصل عراك بين رعاة مواشي
 ابرام ورعاة مواشي لوط . وكان كان الكنعانيين والفرزيين
 ساكنين معاهم في الارض . فقال ابرام للوط ما يصحش يحصل
 زعل بيني وبينك ولا بين رعائي ورعاتك لانا اخوات . وادي
 الدنيا كلها قدامك . يا الله نبعد عن بعض . ان رحت على اليمين
 فانا اروح على الشمال وان رحت على الشمال فانا اروح على اليمين
 فبص لوط بعينه وشاف كل ارض الاردن مرويه كويس وكان
 دا قبل ما يخرب الرب سدوم وعمورة وكانت زي جنة الرب
 زي ارض مصر . فلو ط اختار لنفسه كل ارض الاردن فارتحل
 لوط الى جهة الشرق وفارق ابرام وكل واحد منهم سكن
 لوحده . ابرام سكن في ارض كنعان ولوط سكن في مدن ارض

الاردن ونقل خيامه لسدوم وكان أهل سدوم ناس بطالين
واشرار كثير خالص قدام الرب

وقال الرب لابرام بعد انفصاله من لوط : « ارفع عينيك
وبص من المكان الذي انت فيه بحري وقبلي وشرق وغرب
علشان ان الارض التي انت شايفها كلها اديها لك ولاولادك
ليوم القيامة . واخلي نسلك زي تراب الارض . فاذا كان فيه
واحد يمكنه بعد تراب الارض فكمان نسلك يمكن عده . قوم
وامشي في الارض في طولها وفي عرضها علشان اني رايح اديها
لك » فنقل ابرام خيامه وجا وقعد عند اشجار الاتل المقدسه التي
في الخليل وبني في الجهة دي مدبح للرب (التكوين ١٣: ١٨-١٨)
وساراي امراة ابرام ما كانتش بقوله . وكان لها جارية مصرية
اسمها هاجر . فقالت ساراي لابرام الرب خلاقي عاقر ما اولدشي
خد جاريتي هاجر فيمكن ربنا يديني منها اولاد . فقبل ابرام
كلام ساراي . وبعد عشر سنين من وجود ابرام في ارض كنعان
اخذت ساراي امراة ابرام جاريتها هاجر المصرية وادتها لابرام
واجلها علشان تكون زوجه له . فعاش ابرام ويا هاجر فحبلت .

ولما شافت انها حبلت استصغرت سنها في عينها . فقالت ساراي
لابرام : « انت ظلمتني وظلمي عليك . انا اديتك جاريتي . ولما
شافت انها حبلت استصغرتني في عينها . فالرب يحكم بيني وبينك »
فقال ابرام لساراي اهي جاريتك تحت ايدك . اعلمي معاها على
كيفك . فساراي فضلت تذلها لحد ما هربت من وشها
فشاف ملاك الرب هاجر على المية التي في الجبل التي في
سكة شور (شرق مصر) . وقال لها : « يا هاجر يا جارية ساراي .
انت جايه منين ورايحه فين ؟ » فقالت : « انا هربانه من
وش ستي ساراي » . فقال لها ملاك الرب : « ارجعي الى ستك
واسمعي كلامها » . وقال لها ملاك الرب : « انا رايح اكثر نسلك
كثير خالص حتى ما حدش يقدر يعده » . وقال لها ملاك الرب :
« اديكي انت حبل ورايحه تولدي ولد وتسميه اسماعيل علشان
الرب سمع لتذلللك ويكون من العرب الرحاله . وتكون يده
على كل واحد . ويد كل واحد عليه . ورايح يسكن قدام اخواته » .
فسمت هاجر الرب التي تكلم معها باسم « ايل رئي » يعني « الله الذي
يشفو » علشان انها قالت : « هنا شفت الذي يشوفني » .

علشان كذا اليراسمت باسم «ير الحى الرأى» وهي موجوده
بين قادش وبارد فولدت هاجر لابرام ولد. وسمى ابرام ابنه
اللى ولدته هاجر باسم اسماعيل. وكان عمر ابرام سنه وثمانين
سنه في الوقت اللى ولدت فيه هاجر اسماعيل لابرام (التكوين
١٦: ١٦-١٦)

ولما بقى عمر ابرام تسعه وتسعين سنه ظهر له الرب وقال
له: «انا الله القادر. امشي قدامي وكون راجل كامل فاربط
عهد بيني وبينك واخلي دريتك كثيره كثير خالص.» فسجد
ابرام على وشه وكلمه الله وقال له: «اما انا فآدي عهدي وبالك
تكون والد لعدد كبير من الامم. ومن دلوقتي مايكونش اسمك
ابرام انما يكون اسمك ابراهيم. علشان انا رايح اخليك والد
لعدد كبير من الامم. ويكون من دريتك ملوك. واربط عهد
دايم تملني بيني وبينك وبين دريتك من بعدك مدة الحياه. علشان
ابقى إله لك ولدريتك من بعدك. وادي لك ولدريتك من بعدك
الارض اللى اتغربت فيها. كل ارض كنعان تكون ملك دايم
لك ولدريتك من بعدك واكون إله لهم

وقال الله لابراهيم: «واما أنت فتحافظ على عهدي انت
ودريتك من بعدك طول العمر. وادي عهدي اللى تحفظوه
بينى وبينكم وبين دريتك من بعدك. كل ذكر منكم لازم
يطاهر علشان تكون الطهارة علامه العهد اللى بينى وبينكم. كل
ولد ذكر منكم في حياتكم يطاهر وهوّا عمره ثمانية ايام ولدكم اللى
من ضهركم وكان الولد ابن الغريب اللى مش من ضهركم واللى
اتم مشتريينه بفلوس لازم تطاهروه. علشان يكون عهدي في
لحمكم تملني ودايم. واما الذكر منكم اللى ما يطاهرش فلازم
مايعتبرشي من الشعب علشان انه نكت العهد اللى بينى وبينكم»
وقال الله لابراهيم: «امراتك ساراي غير اسمها وسميها
سارة. وأنا اباركها ورايح اديك منها ولد. ورايح يكون من
دريتها امم وملوك. فوقع ابراهيم على وشه وضحك. وقال في سره:
«ياترى هوا الراجل اللى عمره ميت سنه يخلف. وهل سارة اللى
عمرها تسعين سنه ممكنها تخلف»

وقال ابراهيم لله: «ياريت بس اسماعيل يطول عمره
ويعيش قدامك». فقال الله: «لازم سارة تخلف لك ولد وتسميه

اسحاق واربط عهدي معاه ويكون العهد دا دايماً لدريته من
بعده واما اسماعيل فانا تقبلت دعاك ورايح اباركه وأخليه يخلف
دريته كثيره كثير خالص . ويخلف اتناشر ريس وأخلي دريته
امة كبيره . واربط عهدي مع اسحاق اللي رايحه تخلفه ساره
زي الوقت دا من السنه اللي جايه « ولما خلص الرب الكلام
مع ابراهيم ارفع الله عن ابراهيم

وبعدين اخذ ابراهيم اسماعيل ابنه وكل أولاد بيته وكل
الأولاد اللي كان اشتراهم بفلوس . اخذ بكل ذكر من اهل بيته
وطاهرهم في اليوم دا زي امر الله له . وكان عمر ابراهيم تسعه
وتسعين سنه لما اتطاهر . وعمر اسماعيل كان تلتاشر سنه لما
طاهره . في اليوم دا نفسه اتطاهر ابراهيم واسماعيل ابنه وكل
الرجال اللي اتولدوا في البيت أو اللي كانت مشتريهم بفلوس
(تكوين ١٧: ١-٢٧)

وظهر الرب لابراهيم عند اشجار اثل ممرى وهو قاعد في
باب الخيمه وقت الحر بالنهار . فرفع ابراهيم عينيه وشاف تلات
رجال واقفين قدامه . فلما شافهم قام وجري علشان يستقبلهم

من باب الخيمه وسجد الى الارض . وقال : « ياسيدي اذا كنت
راض عني فاتفوتش عبدك . خدوا شوية ميه واغسلوا رجلكم
واستريحوا تحت الشجره فاجيب لكم كسرة عيش علشان تسندوا
قلبيكم وبعدين تروحوا . علشان انكم مريتم على عبدكم . فقالوا
له . « احنا رايحين نعمل زي طلبك »

فراح ابراهيم للخيمه وقال لساره : « يا الله قومي وجيبي
تلات كيلات دقيق ناعم واعجني واخبزي عيش . وبعدين راح
للبقر واخذ عجل مليات وسمين واذاه للخدام وقال له : « اجري
جهزه قوام . وبعدين اخذ زبده ولبن والمجلى اللي جهزه
وحطهم قدام الضيوف فاكلوا تحت الشجره وابراهيم واقف
يخدم عليهم

وقالوا له : « فين ساره امراتك » فقال : « في الخيمه »
فقال : « انا رايح ارجع لك في الموسم ويكون لساره امراتك
ولد . وكانت ساره سامعه من باب الخيمه اللي وراه . وكان
ابراهيم وساره عواجز وعمرهم كبير . وعادة النسوان
ما كانتش بتيجي لساره . علشان كذا لما سمعت ساره كلام الرب

ضحكت وقالت: «هو بعد ما كبرت وفزيت وبعد ماشاخ سيدي
يكون لي ولد». فقال الرب لابراهيم: «ليه سارة ضحكت؟ وليه
بتقول هو؟ صحيح اني رايحه اولد وانا عجوزه وكبيره في السن.
هو فيه شي يبعد على ربنا. في الميعاد ارجع لك ويكون لساره
امراتك ولد. فساره نكرت وقالت: «ما ضحككتش» علشان انها
خافت فقال: لا انت ضحككتي

وبعدين قام الرجاله من عند ابراهيم وراحوا جهة سدوم.
وكان ابراهيم ماشي معاهم علشان يودعهم. فقال الرب: هل
اخوي على ابراهيم اللي رايح عمله. وابراهيم رايح يكون نسله
قوي وكثير خالص وجميع ام الارض تتبارك به. وانا عرفته
علشان يوصي اولاده وبيته من بعده علشان يعيشوا زي اوامر
الرب ويعملوا احسان وعدل علشان ان ربنا يدعي ابراهيم اللي
وعده به. وقال الرب: «ان صراخ سدوم وعمورة زاد ذنوبهم
كثرت كثير خالص. علشان كذا قلت: اتزل واشوف اذا كانوا
مهلوا بالتمام زي الصراخ اللي وصلني منهم. والا بعدين اشوف»

وراحت الرجاله من عند ابراهيم وسافروا جهة سدوم. واما
ابراهيم فكان برضه واقف قدام الرب.
وتقدم ابراهيم وقال: «هل تهلك الرجل الطيب مع الرجل
المذنب. اذا تصادف وكان في المدينة خمسين راجل طيبين.
فيا هل ترى تهلك المكان ولا تصفحش عنه على شان خاطر
الخسنيين. حاشا لك ان تعمل أمر زي دا وتموت الطيب مع
المذنب فيكون الطيب زي المذنب. حاشا لك. وانت الحاكم
العادل في الدنيا كلها». فقال الرب: «ان وجدت في سدوم
خمسين راجل طيبين فانا اصفح عن البلد كلها علشان خاطرهم».
بعدين جاوبه ابراهيم وقال: «انا ابتديت اتكلم مع سيدي وانا
تراب ورماد. يا هل ترى ان كانوا الطيبين فيها خمسة واربعين
فهل تهلك كل المدينة علشان خمسة». فقال الرب: «ما
أهلكهاش ان وجدت فيها خمسة واربعين». فعاد ابراهيم يكلم
الرب. وقال: «واذا كان في المدينة بس اربعين؟» فقال الرب
«ما عملش بالمدينة شي» علشان خاطر الاربعين». فقال ابراهيم:
«ما يزعلني المولى اذا كنت اتكلم. ولو كان في المدينة ثلاثين؟»

فقال الرب: «ان وجدت بالمدينة ثلاثين ما أعملش شيء»: فقال
ابراهيم: «اني ابقديت اكلهم سيدي . ولو فرض ووجد بالمدينة
عشرين»: فقال الرب: «علشان خاطر العشرين ما اهلكش
المدينة». فقال ابراهيم: «ما يزعلني مني المولى اذا كنت اتكلم
المره دي بس . اذا فرضنا وكان بالمدينة عشره». فقال الرب:
«ان وجدت بالمدينة عشره فما اهلكش المدينة علشان خاطر
العشره». ولما خلس الكلام مع ابراهيم مشي الرب ورجع
ابراهيم الى خيمته (تكوين ١٨: ١٨-٢٣)

فوصل الملاكين الى سدوم في المغرب وكان لوط قاعد على
باب سدوم فلما شافهم قام لمقابلتهم وسجد الى الارض . وقال:
«يا اسيادي حودوا الى بيت عبدكم علشان تبينوا وتغسلوا
رجليكم وفي الصباح بدري تروحوا مطرح ما انتم رايجين .
فقالوا: «لا . احنا رايجين نبات في الساحة». فلو طح عليهم
كثير خالص فحودوا عليه ودخلوا بيته . فعمل لهم عزومه وخبز
لهم فطير فأكلوا

وقبل ما يناموا جم رجال سدوم كلهم من الصغير للكبير

وجم اللي في طرف المدينة كان وحوطوا كلهم بيت لوط وقالوا
له: «فين الراجلين اللي دخلوا عندك الليله . طلعهم لنا علشان
نعرفهم». نخرج لهم لوط برا باب بيته وقفل وراء الباب وقال
لهم: «ما تعملوش شرا يا اخواتي . ادي لي بنتين بكر ما يعرفوش
راجل لدلوقي . اطلعهم لكم واعملوا بهم زي ما تريدوا . واما
الراجلين دول فما تفعلوش بهم شيء علشان انهم دخلوا بيتي
ويقوا في حماي». فقالوا له: «ابعد من هنا» وبعدين قالوا:
«الراجل دا غريب وجا هنا علشان يتحكم فينا . دلوقي
نعمل فيه شرا اكثر من اللي رايجين نعمله في الراجلين اللي عنده»
وبعدين لحوا على لوط كثير خالص وهجموا على البيت علشان
يكسروا الباب . فد الراجلين ايديهم من جوا ودخاوا لوط
جوا في البيت وقفلوا الباب . وبعدين ضربوا كل الموجودين
قدام البيت بالعمى من الصغير الى الكبير وبعدين ما قدروش
يعرفوا باب البيت

وقال الراجلين للوط: «مين لك كمان هنا . نايك
واولادك وبناتك وكل اللي في البلد طلعهم منها علشان

صر اخهم كثر كثير خالص قدام الرب فبعتنا علسان نحر قهم
 فراح لوط وكلم نسايه اجواز بناته وقال لهم: «قوموا اخرجوا
 من البلد دي لان الرب رايح يحرق البلد». فنساي لوط
 لما سمعوا كلامه افتمكروا انه بهزر معاه. ولما طلع
 الفجر استعجلوا الملاكين لوط وقالوا له: «قوم خذ امراتك
 والبنتين الي وياك هنا واخرج لحسن تهلك بشر المدينة». ولما
 اتاخر مسك الراجلين بايده وبايد امراته والبنتين الي له علسان
 شفقة الرب عليه وطلعوه برا البلد. وقالوا له: «اهرب علسان
 حياتك ما تبصش وراك ولا تقفش في كل ارض المدينة. واهرب
 الى الجبل علسان ما تهلكش». فقال لوط للملاكين: «لا.
 ياسيدي انا شايف انك راضي عني. وعملت معاي معروف
 كبير وابقيت لي حياتي. وانا ما اقدرش اهرب الى الجبل
 لحسن الشر يمكن يلحقني في السكة فيموتني. ادي بلد قريبه
 وصغيره فاهرب لها. من فضلك ياسيدي تعفي عنها علسان
 تحفظ حياتي». فقال له: «انا مش رايح اكسفك في الامر
 دا كان ومش رايح اقلب المدينة الي اتكلمت عنها. فبالعجل

اهرب هناك. علسان انا ما يمكنيش اعمل شي حتى توصل لها»
 وعلسان كذا سموا البلد دي «صغيرة»
 ولما طلعت الشمس على الارض وصل لوط الى البلد الي
 اسمها «صغيرة». فنزل الرب على سدوم وعموره كبريت ونار
 كثيره من عند الرب من السما. وقلب البلاد وكل الارض
 الي حوالهم وكل سكان المدن ونبات الارض. وبصت امرأة
 لوط وراها فبقت عمود من الملح
 وفي الصبح بدري راح ابراهيم الى المطرح الي وقف
 فيه قدام الرب وبص ناحية سدوم وعموره وعلى كل الارض
 الي حوالهم فشاف دخان طالع من الارض زي دخان
 الفاخوره. وحصل لما خرب الله مدن الجهمه دي ان الله افكر
 ابراهيم ونجى لوط من وسط الهلاك الي حصل للمدن الي
 كان لوط ساكن فيها (تكوين ١٩: ١-٢٩)
 وافكر الرب ساره وتعم وعده الي وعدها به. فخلت
 ساره وولدت لابراهيم ولد ولدته في الوقت الي قال عنه الرب.
 وسمى ابراهيم ولده الي ولدته له ساره باسم اسحاق. وظاهر

ابراهيم ولده اسحاق وهوا ابن ثمانية ايام زي أمر الرب . وكان
 ابراهيم عمره مبيت سنه لما خلف اسحاق . وقالت ساره : « ان
 الرب عمل معاي شي مضحك وكل واحد يسمع بحكايتي كان
 يضحك . وقالت مين اللي كان يفتكر ان يقول لابراهيم : ان
 ساره حارضع أولاد ومع كذا فانا خلفت له ولد وهوا شيخ
 عجوز . وبعدين كبر الولد واتفطم ومهل ابراهيم وليه كبيره في
 اليوم اللي اتفطم فيه اسحاق

وشافت ساره ابن هاجر المصريه اللي ولدته لابراهيم
 يتمسخر فقالت لابراهيم « اطرد الجاريه دي وابنها علشان ابن
 الجاريه دا مايورتش مع ابني اسحاق » . فابراهيم ما عجبوش
 الكلام دا علشان ابنه . فقال الرب لابراهيم « مش علشان
 ابنك وجاريتك تستقبح كلام ساره . انت لازم تسمع كل
 الكلام اللي تقوله لك ساره لان الدريره اللي حاتقنسب لله م
 اولاد اسحاق بس . وابن الجاريه كان رايح اخليه امه كبيره
 علشان انه من دريتك

فقام ابراهيم في الصبح بدري واخذ شويه عيش وقربه ميه

واذام لهاجر وحطهم على كتفها وصرفها من عنده هي وولدها .
 بعدين هي مشيت وتاهت في بربه بير سبع ولما فرغت الميه من
 القربه حطت الولد تحت شجره . وراحت قعدت قباله على بعد
 مائة خطوه تقريباً علشان انها قالت : « ما اشوفوش وهوا
 بيوت » ولما قعدت قباله علّت صوتها وعيظت : فسمع الرب
 صوت الولد . ونده ملاك الرب على هاجر من السما وقال لها
 « مالك يا هاجر . ما تخافيش علشان الرب سمع صوت الولد
 مطرح ما هو . قومي شدي حيلك وشيلي الولد : علشان انا
 رايح اخليه امه كبيره » . وفتح الله عينيها فشافت بير ميه
 فراحت وملت القربه ميه وسقت الولد . وربنا كان مع الولد
 فكبر وسكن في البريه وكان يكبر ويتعلم رمي النبال بالقوس . وعاش
 في بربه فاران وجوزته امه من ارض مصر (تكوين ٢١: ١-٢١)
 وحصل بعد الامور دي ان الله امتحن ابراهيم . فقال له
 « يا ابراهيم » فقال : « نعم اديني هو » . فقال « خذ ابنك وحيدك اللي
 تحبه اسحاق وروح الى ارض المريا وقدمه ذبيحه على الجبل
 اللي انا رايح اقول لك عليه » . فقام ابراهيم في الصبح بدري

وشد على حماره واخذ اثنين من خدامينه واخذ اسحاق ابنه
 وحطب علشان حرق الديبچه وقام للمحل اللي قال له عنه الله
 وفي اليوم الثالث رفع عينيه ابراهيم وشاف المحل من بعيد فقال
 لخدامينه اقموا انتم هنا مع الحمار انا وابني اسحاق فرابحين
 لهنالك علشان نسجد لله وبعدين نرجع لكم. واخذ ابراهيم حطب
 الحريق وشيئله لاسحاق واخذ بايده النار والسكين. وراحوا
 مع بعضهم. فقال اسحاق لابراهيم ابوه: «يا ابويا». فقال:
 «نعم يا ابني». فقال اسحاق: «ادي النار والحطب ولكن فين
 الخروف». اللي رابحين ندبحه» فقال ابراهيم «الله يشوف له
 خروف للديبچه يا بني». ومشوا الاثنين مع بعضهم ولما وصلوا
 للمحل اللي قال له الرب عليه. بنى ابراهيم هناك المذبح ورتب
 الحطب وربط اسحاق ابنه وحطه على المذبح فوق الحطب.
 وبعدين مد ابراهيم ايده علشان ياخذ السكين ويدبح ابنه. فنده
 عليه ملاك الرب من السما وقال: «يا ابراهيم يا ابراهيم» فقال:
 «نعم اديني هو». فقال «ما تمدش ايدك للولد وما تعملوش حاجه
 علشان انا شفت انك بتخاف من الله وعلشان كذا ما حششت

ابنك وحيدك عني». بعدين اتلفت ابراهيم وبص فشاف
 خروف واقف وراه ممسوك في الغابه بقرونه. فراح ابراهيم
 واخذ الخروف وقدمه ديبچه بدال ابنه. وسمى ابراهيم المطرح
 داباسم «يهوه يشوف». وعلشان كذا لحد النهار ده يقولوا
 «في جبل الرب ينشاف»

ونده ملاك الرب ابراهيم مره ثانيه من السما وقال: «انا
 الرب خلقت بنفسي اني علشان انك ما مسكتش ابنك وحيدك
 عني انا اباركك واكثر دريتك كثير خالص زي نجوم السما وزى
 عدد الرمل اللي على شط البحر ودريتك تورت املاك عدوتينا
 وكل الناس تتبارك في دريتك. علشان انك سمعت كلامي». وبعدين
 رجع ابراهيم الى خدامينه فقاموا وراحوا كلهم الى
 بير سبع. وسكن ابراهيم في بير سبع (تكوين ١٢: ١٩-١٩)
 وعاشت ساره ميه وسبعه وعشرين سنه. وماتت في بلد
 الخليل. وجا ابراهيم علشان يندب ساره ويعيط عليها. وقام
 ابراهيم من قدام الميته وكلم بني رحث وقال «انا غريب ونازل
 عندكم فادوني ارض ملك علشان ابني فيها تربه ادفن ميتي فيها

من قدامي» فقالوا له بنو حث «اسمع ياسيدي . انت واحد
امير كبير بيننا . ففي افضل تربنا ادفن الميتة بتاعتك ما فيش
حد فينا يمنع تربته من ان تدفن فيها ميتك» . فقام ابراهيم
وسجد لهم وقال . «ان كنتم تريدوا ان ادفن ميتي من قدامي
فترجؤوا لي عفرون بن صوحر علسان يدبني مغارة المكفيله
اللي في راس الغيط بتاعه وانا اشتريها منه وادفع له الثمن بالكامل»
وكان عفرون بن صوحر قاعد ويأم . فجواب ابراهيم بمحضور
اولاد حث وقال «لا ياسيدي . اسمع كلامي . الغيط وهبته
لك مع المغارة اللي فيه وآدي اهل قبيلتي شاهدين علي . انا
وهبت لك الغيط والمغارة . فادفن ميتك فيها» . فسجد ابراهيم
قدام شعب الارض اولاد حث وقال لعفرون بمحضور قومه :
«ان كنت بالحقيقة عاوزني ادفن ميتي فتاخذ مني ثمن الغيط .
خد مني فادفن ميتي» فقال عفرون «اسمع ياسيدي الغيط
بالمغارة تمنها ربعميت وزنه فضه ودا مش حاجه بيني وبينك .
فادفن ميتك . فسمع ابراهيم لعفرون ووزن له الفضه اللي قال

له عليها بمحضور قومه وهي ربعميت وزنه فضه بالعمله الجاريه
بين التجار في داك الزمان

واصبح غيط عفرون اللي في المكفيله اللي قدام ممرا
الغيط والمغاره اللي فيه وكل الشجر اللي في حدوده كل دا
بقى ملك ابراهيم واولاد حث وكل ناس البلد شاهدين بكدا
وبعدها دفن ابراهيم ساره امراته في مغارة غيط المكفيله وبقي
الغيط والمغاره اللي فيه مملوكين لابراهيم وبقي له تربه مملوكه
من عتد بني حث (التكوين ١: ٢٣ - ٢٠)

وعاش ابراهيم ميه وخمسه وسبعين سنه . ومات ابراهيم
بشيبه صالحه وشبعان ايام بعد ان عاش مده طويله : وانضم الى
قومه . ودفنوه اولاده اسحاق واسماعيل في غيط عفرون بن
صوحر الحثي اللي قدام ممرا في الغيط اللي اشتراه لبراهيم من
اولاد حث . هناك اندفن ابراهيم وساره امراته (التكوين ٢٥ :
٧ - ١٩)

(٤) سيدنا يوسف

سكن يعقوب في ارض الغربه اللي كان متغرب فيها ابوه اسحاق بن ابراهيم وهي ارض كنعان . وبوسف ابن يعقوب لما كان عمره سبعثاشر سنه كان يرعى غنم مع اخواته وهو له صبي ويا اولاد بلهه واولاد زلفه نسوان ابوه . وكان يعقوب يحب يوسف اكثر من كل اولاده علشان انه جابه على كبر فعمل له قميص ملون . ولما اخوات يوسف شافوا ان ابوه يحب يوسف اكثر منهم كرهوا يوسف ولا امكنهمش يكلموه كلام كويس . X

وحلم يوسف حلم قال عليه لاخواته فكرهوه اكثر . فقال لهم « اسمعوا الحلم اللي حلمته . حلمت ان كل واحد منا وهو في الغيط عمل له حزمه وبعدين شفت ان حزمتي وقفت في الوسط وحزمكم وقفت حوالها وبعدين حزمكم ركعت لحزمتي » فقال له اخواته « هل انت رايح تبقى ملك علينا او تصبح لك سلطه علينا » . وزادت كراحتهم ليوسف علشان

احلامه وعلشان كلامه . وبعدين حلم ثاني وقال لاخواته « انا حلمت حلم ثاني . شفت ان الشمس والقمر ومعاهم احداشر نجمه كلهم ركعوا لي » وقال الحلم دا لابوه كان قدام اخواته فزعل ابوه وقال له « ايه الحلم دا اللي انت حلمته فياهل ترى نيحي انا وامك واخواتك علشان نركع لك » . فعلمشان كذا اخواته حسدوه اما ابوه فحفظ الامر .

وراحوا اخوات يوسف علشان يرعوا غنم ابوه عند نابلس فقال يعقوب ليوسف « مش اخواتك راحوا يرعوا الغنم عند نابلس . تعالى ابعتك لهم » . فقال له يوسف « اديني مستعد للمرواح زي ما تقول لي » فقال له يعقوب « روح وشوف اخواتك وشوف الغنم وتعالى قول لي على اللي تشوفه » . فقام يوسف من الخليل حتى وصل نابلس فلقاه راجل تايه في الغيط فقال له « انت بتدور على مين ؟ » فقال يوسف « انا بادور على اخواتي » فقال الراجل مشيوا من هنا وانا سمعتهم يقولوا يا لله نروح دوئان » فراح يوسف ورا اخواته فلقاهم في دوئان . فلما شافوه من بعيد قبل ما يقرب منهم فكروا علشان يموتوه .

فقال بعضهم لبعض ادي صاحب الاحلام جاي . تعالوا نقتله
ونرميه في بير ونقول لابوه ان وحش كاسر اكله علشان نشوف
اياه تكون احلامه . فسمع رأوبين كلامهم فقال لهم « ما تقتلوهش
ما تسفكوش دم . الاحسن انكم ترموه في البير دي اللي في
الغيظ . ولا تموتوهش » وكان غرضه من دا كله انه يخلصه من
ايديهم وبعدين يرده لابوه . فلما يوسف وصل لحد اخواته قاموا
عليه وقلموه القميص اللي كان عليه واخدوه ورموه في البير .
وكانت البير في الوقت دا ناشفه ما فيها ش ميه . وبعدين قعدوا
علشان ياكلوا فشافوا جماعه من الاسماعيليين جاين من جلعاد
وجاهم حامله بهارات وبلسان ولادن ورايحين لمصر . فقال
يهوذا لآخواته « ايه الفايده لما نقتل اخونا ونخبي دمه تعالوا
نبيعه للاسماعيليين ولا نقتلوش علشان انه اخونا ومن لحمنا » .
فقبل اخواته كلامه . ولما فات عليهم ناس تجار من مديان
طلعوا يوسف من البير وباعوه للاسماعيليين بمشربين
من الفضة فاخدوا يوسف معاهم الى مصر . وراح رأوبين الى
البير علشان يطلع يوسف ما وجدوش في البير فقطع هدومه

ورجع لآخواته وقال « الولد مش موجود وانا اروح فين ؟ »
فاخوات يوسف اخدوا قميصه ودبحوا جدي معزي وغطسوا
القميص في الدم . وبعثوا القميص الملون قدام ابوم وقالوا له
« احنا لقينا القميص دا في الخلا . فشوف ان كان هو اقميص
ولدك يوسف ولا لا ؟ فاخذ يعقوب القميص وشافه تمام وقال
« دا قميص ابني يوسف . آه لازم وحش من الوحوش الكاسره
اكله . وقطع يعقوب هدومه ولف على وسطه حته قماش من
الشعر الخشن اللي يلبسوه في الحزن وعيط على ابنه ايام كتيره
فاولاده كلهم وبناته جم علشان يعزوه فاقبلش تعزیه بالمره
وقال « انا رايح ابكي على ابني يوسف لحد ما اموت »
واما المديانيين فباعوا يوسف لفوطيفار ريس البوليس اغا
فرعون (تكوين ٣٧-١: ٣٦)
وكان الرب مع يوسف علشان كذا كان راجل ناجح
وهو في بيت سيده المصري
وشاف سيد يوسف ان الرب معاه وان كل اللي بيعمله
يوسف ربنا بينجح به . فعلشان كذا اصبح يوسف محبوب عند

سيده وعمله سيدة وكيل عنه في بيته وسلمه كل اللي له . ومن
الوقت اللي فيه وكل يوسف على بيته وعلى كل اللي له باراك
الرب بيت المصري علشان خاطر يوسف . وكانت البركة على
كل اللي كان لسيد يوسف سوا ان كان في البيت ولا في الغيط .
علشان كذا سيب كل اللي كان له ليد يوسف . وما كانش
يعرف شي مع يوسف الا العيش اللي ياكله وكانت يوسف
صورته جميله وشكله كويس

وحصل بعد كذا ان امرأة فوطيفار شافت يوسف وقالت
له : « تعال نام معي » . فراضيش يوسف وقال : « سيدي ما
يعرفش معي حاجه في البيت بتاعه . وكل اللي له تحت ايدي
وهوا في البيت مش اعظم مني . وما منعش شي عني الا انت .
علشان انك امراته . فكيف اعمل الشر الكبير ذا اللي انت
عاوزاه واخطي في حق ربنا » . وكانت امرأة سيدة كل يوم
تطلب منه انه ينام معاها ولكن يوسف ما كانش يقبل كلامها ابداً
وبعدين حصل في يوم من الايام ان يوسف خش بيت
سيدة علشان يعمل شغله ولا كانش فيه حد في البيت وقتها

فقامت سته ومسكته من توبه وطلبت منه انه ينام معاها فلما
شاف كذا سيب توبه في ايده سته وهرب برا البيت ولما شافت
سته ان يوسف سيب توبه وهرب لبرا زعقت على اهل بيتها
ولما جم قالت لهم : « شوفوا جوزي جاب لنا راجل عبراني علشان
يعاكسني . دخل علي علشان ينام معي فصرخت بصوت عالي
ولما شاف اني عليت صوتي خاف وسيب توبه جنبي وهرب
وخرج برا » .

وخلت توب يوسف جنبها حتى جاسيده للبيت . فقالت
له : « العبد العبراني اللي جبته لنا خش علي علشان يعاكسني
ولما عليت صوتي سيب توبه جنبي وهرب برا البيت » .
فلما سمع سيدة الكلام ذا من امراته زعل وحمي غضبه واخذ
يوسف وحطه في الحبس في المكان اللي كان محاييس الملك محبوسين
فيه والرب كان مع يوسف علشان كذا حبب فيه ريس الحبس فسلم
ريس الحبس في ايد يوسف كل المحبوسين اللي في الحبس وكل
اللي كانوا يعملوه كان هو اللي بيعمله . ولا كانش ريس الحبس
يشوف شي من الشغل اللي في ايده وترك كل شي في ايد يوسف

لان الرب كان معاه وكل شيء كان يعمل به يوسف الرب كان
يبيِّنجه فيه (تكوين ٣٩: ٢-٢٣)

وحصل بعد كذا ان ساقى ملك مصر والخباز عملوا ذنبا
في حق سيدهم ملك مصر. فزعل فرعون على عبيده ريس السقاء
وريس الخبازين وحطهم في السجن في بيت ريس البوليس في
المكان اللي كان يوسف محبوس فيه. فخط ريس الحبس يوسف
معاهم وخدمهم. وقعدوا مع بعض مدة ايام في الحبس

وفي ليلة من دول حلم كل واحد من ريس السقاء وريس
الخبازين حلم. هم الاثنين حلموا في ليلة واحدة فحس يوسف
عليهم في الصباح لقاهم زعلانين. فسألهم يوسف وقال لهم: «ليه
وشكم متغير». فقالوا ليوسف. «حلمنا حلم ولا فيش حد يفسره
لنا». فقال لهم يوسف: «هوّا انتم ما تعرفوش: ان تفسير
الاحلام هي من الله. قولوا لي على حلمكم».

فاخبر ريس السقاء يوسف بحلمه وقال له: «كنت نام
فشفت شجرة عنب قدامي وفي الشجرة ثلاث فروع وبصيت
لقيت الفروع خضرت وزهرت وعنبها استوى. وكان كاس

فرعون في ايدي فاخذت العنب وعصرته في كاس فرعون واديت
الكاس لايد فرعون». فقال له يوسف: «الحلم دا تفسيره كدا.
ان الثلاث فروع دول هم ثلاث ايام. بعد تلاته ايام يرفعك
فرعون ويردك لشغلك تاني وتدي الكاس في ايد فرعون زي
العاده لما كنت بتشتغل ساقى الملك ولما يحصل لك الخير دا
اترجاك انك تفكرني وتكلم فرعون علي حتى يطلعني من
الحبس دا علشان انا انسرقت من ارض العبرانيين ومن يوم
ما جيت مصر ما عملتش شيء بطال يحطوني عاشانه في الحبس
فلما شاف ريس الخبازين ان يوسف فسر حلم ريس السقاء
كويس قال له: «انا كان شفت في حلمي اني شايل فوق راسي
ثلاث مقاطف. والمقطف الفوقاني خالص كان فيه من كل اكل
فرعون اللي يعمل الخباز وشفت ان الطيور بتاكل من الحاجات
اللي في المقطف اللي على راسي». فقال يوسف تفسير حلمك
هوّا. المقاطف التلاته هم ثلاث ايام. في ثلاث ايام يقطع راسك
فرعون ويعلقك على خشبه. والطيور تاكل لحمك».

وحصل في اليوم الثالث في يوم ولادة فرعون. ان فرعون

عمل عزومه لكل عبيده وفي اليوم الثالث أمر برد ريس السقاء
الى وظيفته فرجع وادى الكاس في ايد فرعون . واما ريس
الخبازين فامر بتعليقه على خشبه زي ما فسر لهم يوسف بالتام
وريس السقاء ما افكرش يوسف ولكن نسيه (تكوين ٤٠ :
٢٣-١)

وحصل بعد سنتين ان فرعون حلم حلم . شاف انه واقف
على شط البحر . وان سبع بقرات كويسة وسمينه اللحم طلعت
من البحر وراحت ترعى في المرعى وبعدين طلعت وراهم سبع
بقرات تانيه وحشه ونحيفه . فوقفت جنب البقرات الاولانيه
على شط البحر . وبعدين السبع بقرات الوحشه والنحيفه اكلت
السبع بقرات الكويسه والسمينه وبعدين صحي فرعون من النوم
وبعدين نام مره تانيه فشاف في الحلم سبع سبلات كبيره
وكويسه طالعه من عود واحد ووراها سبع سبلات رفيه
وناشفه من الشرذ فبلعت السبلات الرفيه السبع سبلات
الكبيره المليانه . وقام فرعون من النوم عند الصبح مزعوج من
الاحلام اللي حلمها فبعث وجاب كل السحارين اللي في مصر

وكل الحكماء واخبرهم فرعون بحلمه فما كانش فيهم ولا واحد قدر
يفسر له احلامه

فقال ريس السقاء لفرعون : «انا النهارده اتذكر غلطتي .
فرعون كان زعل عليّ انا وريس الخبازين فخبسنا في بيت ريس
البوليس في ليلاه واحده حلم كل واحد منا حلم وكان ويانا في
الحبس ولد عبراني عبد لريس البوليس فحكينا له احلامنا .
فسر لكل واحد زي ما حلم : وزي ما فسر لنا حصل تمام . انا
رجعني فرعون لشفلي واما ريس الخبازين فعلقه على شجره .»
فبعث فرعون الى يوسف وجابه حالاً من السجن . فخلق
راسه وغير هدومه وخش على فرعون . فقال فرعون ليوسف :
«انا حلمت حلم وما فيش حد قدر يفسره وانا سمعت ناس
تقول عنك انك تقدر تفسر الاحلام» . فقال يوسف : «دا
مش مني انا دا من الله . والله يجاوب بسلامة فرعون .»

فقال فرعون ليوسف : «انا شفت في الحلم اني واقف على
شط البحر وشفت سبع بقرات كويسه وسمينه اللحم طلعت
من البحر وراحت ترعى في المرعى وبعدين طلعت وراها سبع

بقرات تانيه وحشه خالص ما شفتش في كل ارض مصر زيتها
في الوحاشة وهزيلة خاص ما شفتش زيتها في القباحة في
أرض مصر. فالبقرات السبعة النحيفه والقبيعه أكلت البقرات
السبعة الاولانيه السمينه. اكلتها في بطنها ومع كذا ما ظهرش
عليها انها اكلت شئ. ومنظرها بقى قبيح زي ما كان في الأول.
وصحبت من النوم. وبعدن شفت في الحلم سبع سبلات
طالمة في عود واحد مليانه وكبيره ومن وراها طلعت سبع
سبلات يابسه وناشفه من الشرذ فبلعت السبلات السبعة الناشفه
السبع سبلات الكبيره. فاخبرت السحرة بحلمي ولا أمكنهمش
يفسروه لي.

فقال يوسف لفرعون: «الحلمين اللى حلمهم فرعون هما
حلم واحد. وربنا أخبر فرعون في الحلم باللي رايح بعمله. البقرات
السبعة الكويسه هي سبع سنين. والبقرات السبع الهزيلة اللى
طلعت وراها هي سبع سنين. والسبلات السبع الفارغه الناشفه
من الشرذ تكون سبع سنين جوع. ودا هو الامر اللى قلت
عليه لفرعون ان الله عاوز بعمله. انه رايحه تيجي سبع سنين شعب

في كل أرض مصر وبعدن تيجي بعدها سبع سنين جوع. فتفسى
الناس الشعب اللى شافوه ويتلف الجوع الارض. ولا يتعرفش
الشعب دا في الارض بسبب الجوع اللى رايح ييجي بعده لانه
رايح يكون جوع شديد خالص. وأما كون الحلم اتكرر مرتين
على فرعون فدا لأنت الأمر مقدر من عند الرب ورايح
ييجي حالا

فدلوقت يلزم أن فرعون يدور على راجل يكون حكيم
وبصير علشان يجمله وكيل له على أرض مصر ويعين نظار على
الارض علشان يجمعوا من المصريين خمس محصول الارض في
السنين السبعة اللى رايح يحصل فيها الشعب فيجمعوا كل السنين
الكويسه اللى جايه ويخزنوا القمح تحت يد فرعون في المدن
ويحفظوه فيكون الأكل دا ذخيرة للسبع سنين الجوع اللى
رايحه تيجي في أرض مصر ولا تفناش الارض بسبب الجوع
فوافق الكلام دا فرعون وكل عبيده وقال فرعون
لعبيده: «هل نلاقى حد زي الراجل دا اللى فيه روح الله.»
وقال فرعون ليوسف: «بعد ما علمك الله دا كله ما فيش حد
(١)

بصير وحكيم زيك . أنت تكون وكيلى وكل شعبي ييوسسوا
حنكك ولس انا اكون اكبر منك في كرسي المملكة » وقال
له : « شوف انا وكلتك على كل أرض مصر . » وبعدين قلع
الخاتم من صباعه وحطه في ايد يوسف ولبسه هدوم من كتان
غالي وحط طوق ذهب في رقبته وركبه في عربيته الملوكانية
القانية ونادوا قدامه : « اركعوا » . وجعله فرعون على كل أرض
مصر . وقال فرعون ليوسف : « أنا فرعون أقول : ما حدث
في أرض مصر يمكنه أن يعمل عمل من غير أمرك . »

وسمى فرعون يوسف صفقات فعنيح يعني مخلص البلاد
وجوزة اسنات بنت فوطي فارح كاهن هيلوبوليس . وكان عمر
يوسف ثلاثين سنة لما وقف قدام فرعون ملك مصر . فخرج
يوسف من قدام فرعون وطاف في كل أرض مصر

وجابت أرض مصر محصول كثير خالص في السبع سنين
الشبع . فجمع يوسف كل محصول السبع سنين اللي كانت في
أرض مصر وخزنه في البلاد . وخزن في كل بلد محصول
الاراضي اللي حوالها . وخزن يوسف قح كثير خالص زي

رمل البحر . فالتزم انه يبطل عدد لانه ما كانش له عدد
وخلف يوسف ولدين قبل ما تبجي سنين الجوع . خلفهم
من اسنات بنت فوطي فارح كاهن هيلوبوليس . وسمى يوسف
ابنه البكر منسى وقال : « علشان ان الله نساني كل تعبى وكل
بيت أبوي . » وسمى الثاني أفرايم وقال : « علشان ان الله
جامني بركة في أرض الغربه »

وبعدين تمت السبع سنين الشبع اللي كانت في أرض
مصر وابتدت سبع سنين الجوع تبجي زي ما قال يوسف . فحصل
جوع في كل البلاد . وأما كل أرض مصر فكان فيها عيش .
ولما جاع المصريين وراحوا لفرعون يطلبوا منه أكل قال لهم
كلهم : « روحوا ليوسف واللي يقول لكم عليه اعملوه . » وكان
الجوع في كل الأرض . وفتح يوسف كل المخازن اللي فيها غله
وباع للمصريين . وزاد الجوع كثير في أرض مصر وجاءت
كل الناس من كل البلاد لمصر عند يوسف علشان يشتروا
منه قح لان الجوع كان شديد قوي في كل الأرض
(تكوين ١: ٤١ - ٥٧)

ولما شاف يعقوب انه فيه قمح في مصر قال لاولاده : « ليه
انتم قاعدين تبصوا البعض . أنا سمعت انه فيه قمح في مصر .
روحوا واشتروا لنا قمح من هناك علشان ما نموتش من الجوع . »
فقام عشرة من أخوات يوسف علشان يشتروا قمح من مصر .
ولكن بنيامين أخو يوسف ما رضيش يعقوب بيعته ويام لأنه
قال : أحسن بعدين تجرا له مصيبه

فجم أولاد يعقوب لمصر علشان يشتروا قمح زي بقية
الناس علشان ان الجوع كان في كل أرض كنعان . وكان يوسف
هو اللي له السلطة في الدنيا وهو بس اللي كان يبيع قمح لكل
الناس . فجم أخوات يوسف له وركعوا له على وشهم . ولما شاف
يوسف أخواته عرفهم فأنكر وتكلم معاهم بجفاوه . وقال لهم :
« انتم منين جيتم . » فقالوا : « من أرض كنعان علشان نشترى
غلة . » وعرف يوسف أخواته ولكن هم ما عرفوهش فافتكر
يوسف الاحلام اللي كان حلمها عنهم وقال لهم : « انتم جواسيس
جيتم هنا علشان تشوفوا الأرض . » فقالوا : « لا ياسيدنا .
احنا خدامينك جينا علشان نشترى أكل . واحنا كلنا أولاد

راجل واحد . واحنا مش جواسيس » فقال لهم لا : « انتم جيتم
علشان تشوفوا عيب الأرض . » فقالوا : « احنا خدامينك .
واحنا اتناشر ولد من راجل واحد . والصغير فينا موجود عند
أبونا . وواحد منا ضايع . » فقال لهم يوسف : « أنا بأقول
لكم : انكم جواسيس وان كنتم صادقين في كلامكم فما تطلعوش
من هنا الا اذا جبتهم أخوكم الصغير وحياة فرعون ما تخرجوش
من هنا الا اذا جا أخوكم الصغير . ابعتوا واحد منكم علشان يجيب
أخوكم وأما انتم فتعجبسوا هنا فاعرف انكم صادقين والا فتكونوا
جواسيس صحيح . » وحطهم في الحبس ثلاث أيام

وبعدين قال لهم يوسف في اليوم الثالث : « أعملوا اللي
أقول لكم عليه فتعيشوا . أنا خايف من الله أن كنتم أمنا أحبس
واحد منكم في الحبس هنا . وروحوا انتم وخذوا قمح علشان أهلكم
الجمانين . وهاتوا لي أخوكم الصغير فاعرف انكم صادقين .
ولا تموتوش . » فعملوا زي ما قال لهم يوسف . وقال بعضهم
لبعض : « صحيح اتنا غلطنا في حق أخونا يوسف اللي شفنا
ضيقه نفسه لما ترجانا علشان نرحمه ولا رحمانهش وعلشان كذا

جا علينا الضيق دا . فقال لهم رأوبين : « هوا انا ما
قتلكومش . ما تعملوش بطل بالولد . ولا سمعتوش كلامي
فأدى دمه لينطلب منكم . » واخوة يوسف اتكلموا الكلام دا
بالعبراني وهم فاهمين أن يوسف ما يفهمش كلامهم لانه كان فيه
بينهم ترجمان فبعث يوسف عنهم وبكى وبعدين رجع لهم وكلمهم
وخذ منهم شمعون وقيده قدامهم

وبعدين أمر يوسف أن يملوا لهم زكايهم قمح والتمن اللي
دفعوه بخطوه لهم كل واحد في قم زكيبته وأمرهم كان بالاكل
اللازم لهم علشان الطريق . ففعلوا لهم زي كلام يوسف بالتنام .
فحملوا قمحهم على الحمير وخرجوا من مصر . ولما فتح واحد منهم
زكيبته علشان يدي عليه لجماره في الحته اللي باتوا فيها شاف
أن التمن اللي دفعه مخطوط في قم زكيبته فقال لخواه : « التمن
اللي دفعته اترد لي وآدي هوا في قم زكيبتي . » فأنخضوا كلهم
وارتعشوا وقالوا لبعضهم : « ايه دا اللي عمله معانا ربنا . »

وجم الى أبوم يعقوب في أرض كنعان وقالوا له على كل
اللي حصل لهم وازاي أن سيد الأرض في مصر تكلم معاهم

بجفاوه وحسبهم جواسيس . وانهم قالوا له : « انهم أمنا ومش
جواسيس وانهم اتناشر أخ من راجل واحد وواحد منهم
ضايع والصغير عند أبوم في أرض كنعان . » فقال لنا الراجل
سيد الأرض : « أنا أعرف انكم أمنا اذا كنتم تتركوا عندي
واحد منكم وتأخذوا اللازم لكم من الغله علشان أهل بيوتكم ما
يجوعوش وتروحوا البلادكم وتجيئوا لي أخوكم الصغير فأعرف
أنكم مش جواسيس وأديكم أخوكم واسيديكم تناجروا في الأرض .
ولما جم يفرغوا زكايهم شافوا أن تمن القمح اللي دفعوه اترد
لهم ثاني . فلما شافوا كذا خافوا هم وأبومهم . »

فقال لهم يعقوب : « عدمتوني الاولاد . يوسف ضايع
وشمعون محبوس وعاوزين تأخذوا مني بنيامين كان . كل دا واقع
علي أنا . » وقال رأوبين لأبوه : « سلمني بنيامين في ايدي وأنا أجيبه
لك بالتاني واذا كنت ما أرجعوش فاقتل أولادي الاثنين . »
فقال يعقوب : « أنا ما أبعثش ابني وياكم لأن أخوه مات وهوا
وحده اللي فاضل فان حصلت له حاجه في الطريق اللي اتم رايجين
فيها تخلوني أموت حزين » (تكوين ٤٢ : ١ - ٢٨)

وكان الجوع شديد خالص في كل الارض وحصل انه
لما خلصوا القمح الي جابوه من مصر قال يعقوب لاولاده
«روحوا مصر واشتروا لنا شوية غله» فقال له يهوذا: ان
الراجل شهد علينا وقال: «انكم ما تشوفوش وشي الا ان كان
أخوكم وياكم فان كنت رايح تبعث أخونا ويا أنا نروح مصر
علشان نجيب لك أكل ولكن ان ما كنتش رايح تبعثه ويا أنا
فاحنا ما نروحش لأن الراجل قال: ما تشوفوش وشي من غير
أخوكم.» فقال لهم يعقوب: «ليه أذيتوني كذا وأخبرتكم
الراجل ان لكم اخ كان.» فقالوا له: «الراجل هو اللي سأل عنا
وعن عايلتنا وقال لنا: «هوا أبوكم لسه حي. هل لكم أخوات
كان. فقلنا له الكلام اللي أخبرناك به. هو احنا كنا عارفين
انه رايح يقول لنا هاتوا أخوكم؟»

وقال يهوذا لآبوه: «أبعت الولد وياي علشان نقوم
ونجيب أكل علشان ما نموتش احنا وانت واولادنا كلهم. أنا
أضمنه. طالبني به أنا. ان ما كنتش أجيبه وواقفه قدامك
أصبح محقوق عندك طول عمري. علشان اننا لو ما كناش

اتأخرنا لحد دلوقت كنا رحنا ورجعنا مرتين»

فقال لهم يعقوب أبوهم: «ان كان كذا فاعملوا اللي أقول
لكم عليه: «خدوا وياكم في زكايبكم من أحسن محصولات
الارض وأدوها للراجل هديه. خدوا شوية بلسان وشوية
عمل وكثيره ولادن وفسدق ولوز وخدوا معاكم فلوس علشان
تشتروا القمح وكان الفلوس اللي اتردت لكم في زكايبكم ردوها
لهم يمكن يكونوا نسيوا وخطوها في الزكايب وخدوا وياكم
أخوكم وقوموا ارجعوا للراجل. وربنا يحسن عليكم قلب الراجل
ويسيب لكم أخوكم شمعون وبنيامين وأنا ان عدت الاولاد
عدمتهم.»

فاخذ الرجال الهدية زي ما قال لهم أبوهم واخذوا وياهم قد
تمن القمح مرتين وقاموا وراحوا مصر. ووقفوا قدام
يوسف. فلما شاف يوسف بنيامين وياهم قال للحارس اللي على
بيته: «دخل الرجال في البيت وادبح ديبه وجهز الاكل علشان
انهم رايحين يتفدوا وياي.» فالراجل عمل زي ما قال له يوسف
ودخل الرجال في بيت يوسف فخافوا الرجال لما دخلوا بيت

يوسف وافتكروا انه دخلهم البيت علشان الفلوس اللي لقيوها
 في زكايبهم وانه دخلهم في البيت علشان يهجم عليهم ويقبض
 عليهم وياخد منهم عبيد عنده وياخد حميرهم . فجم للراجل وكيل
 بيت يوسف وقالوا له : اسمع يا سيدنا احنا جينا قبل دلوقتي
 علشان نشترى قمح ولما وصلنا الى بلدنا وفتحنا زكايبنا لقينا التمن
 اللي دفعه كل واحد منا محطوط في قم زكيته زي ما هو بالتمام
 وادينا جنبناه تاني وياانا وجبنا وياانا فلوس تانيه علشان نشترى
 بها قمح . واحنا ما نعرفش مين اللي حط الفلوس في زكايبنا ،
 فقال لهم الراجل : « ما تخافوش . طمّنوا بالكم . الفلوس
 اللي وجدتها في زكايبكم هي كنز بعتكم لكم الهكم واله أبوكم .
 أما التمن اللي دفعتموه فدا وصلني . وبعدين طلع لهم شمعون من
 الحبس ودخلهم كلهم الى بيت يوسف وجاب لهم ميه علشان
 يغسلوا رجليهم وحط عليق لحيهم وجهزوا الهدية لحد ما يجي
 يوسف في الظهر علشان انهم سمعوا انهم رايحين يتغدوا معاه .
 ولما جاء يوسف للبيت جابوا الهدية اللي وياهم وركعوا له
 على الارض . فسألهم عن صحتهم وسلامة أبوم الشيخ اللي

قالوا له عنه فقالوا له : عبدك أبونا سالم وحي لدوقتي . « وركعوا
 على وشهم على الارض »

فبص يوسف وشاف بنيامين أخوه ابن امه وقال : هو ادا
 أخوكم الصغير اللي قلم لي عليه « وبعدين قال لبنيامين : « الله ينعم
 عليك يا بني » وبالعجل راح يوسف الى مكان تاني علشان يعيط
 لان قلبه حن لآخوه فدخل أوده وقعد يبكي فيها . وبعدين غسل
 راسه وخرج وصبر نفسه وقال : هاتوا الاكل . « فخطوا له ياكل
 لوحده ولاخواته لوحدهم وللمصريين الممزومين معاهم لوحدهم
 علشان ان المصريين ما يقدروش ياكلوا مع العبرانيين لان دا في
 نظر المصريين نجاسة وقعد يوسف قدامه حسب سن كل واحد
 منهم الكبير قبل الصغير . فالرجاله استغربوا وبصوا لبعض . وأخذ
 يوسف الاكل من قدامه وادى اخواته . وكان اللي حطه قدام
 بنيامين قد اللي حطه قدام كل واحد من اخواته خمس مرات .
 وشربوا وياها حتى رويوا (تكوين ٤٣: ١ - ٣٤)

وبعدين أمر يوسف الراجل اللي على بيته وقال له : أملا
 زكايب الرجاله غله على قد ما تشيل الزكية وحط في زكية كل

واحد الفلوس اللي دفعها والطاسة بتاعتي اللي معموله من الفضة
حطها في قم زكية الولد الصغير مع تمن قحه . « فعمل الراجل
زي ما قال له يوسف . ولما طلع النهار شيلوا الرجاله غلثهم
على حميرهم ومشوا . ولما طلخوا برا البلد وقبل ما يبعدوا قال
يوسف للراجل اللي على بيته : « قوم واجري ورا الرجاله ولما
تحصلهم قول لهم : ليه عملتم شر مقابل الخير اللي عملناه وياكم .
ليه اخدتم الطاسه اللي ببشرب فيها سيدي . الطاسه اللي هو
مستبخت بها . انتم عملتم شي بطل . »

فالراجل جرى وراهم وقال لهم زي كلام يوسف بالتمام
فقالوا : « ليه سيدنا بيلتكم كدا . خدامينك ما يمكنش انهم
يعملوا شي زي دا بالرة . ادي الفلوس اللي لقيناها في زكابتنا
المره اللي فاتت جنبناها معانا من كنعان علشان نردها لكم .
فازاي احنا نسرق من بيت سيدك فضه والادهب . اللي تلاقي
معاه الطاسه منا لازم يموت واحنا كان نبقي عبيد لكم . » فقال
الراجل : « أبوا تمام انا رضيت بكلامكم . اللي الاقي عنده
الطاسه يكون عبد لي ولكن انتم تكونوا أحرار . » فحالا نزل

كل واحد زكيبته من على حماره الى الارض وفتح كل واحد
زكيبته . والراجل قعد يفتش كل زكيبه وابندا من الكبير حتى
وصل للصغير فوجد الطاسه في زكيبه بنيامين . فقطعوا هدوهم
وشيلوا حميرهم بالتاني ورجعوا الى المدينه

وبعدين دخل يهوذا واخوته بيت يوسف وكان لسه
موجود وركعوا على وشهم قدامه فقال لهم يوسف : « ايه
العمل دا اللي عملتوه . انتم ما تعرفوش ان راجل زي يستفول . »
فقال يهوذا : « ايه اللي رايحين نقوله لسيدنا . رايحين نتكلم
نقول ايه أو نعتذر بياه . ربنا فضحنا واديننا عبيد لسيدنا احنا
واللي اتوجدت عنده الطاسه يصنع فينا اللي عاوزه » فقال :
« معاذ الله . انا ما أعملش شي زي كدا . بس الراجل اللي
اتوجدت عنده الطاسه هو اللي يكون عبد لي . وأما انتم
فروحوا لآبوكم بالسلامة »

وبعدين اتقدم له يهوذا وقال : « اسمع يا سيدنا . اسمح
لي علشان اتكلم كلمة بسمعها سيدنا . ولا ترعلش علينا علشان
انك زي فرعون . انت سألتنا : هل لكم اب أو أخ ؟ . فقلنا

لسيدنا لينا اب عجوز وابن صغير جابه على كبر مات اخوه وبقي
هو بس لامه . وابوه يحبه . فطلبت منا انا نجيب اخونا اليك
علشان تشوفه . فقلنا لسيدنا ان الولد ما يقدرش يسيب أبوه
وان بعد عنه أبوه يموت . فقلت لنا : « اذا ما كنتوش نجيبوا
أخوكم الصغير وياكم ما يجوش تشوفوا وشي . ولما روحنا لابونا
وقلنا له على اللي جرى بعدين قال لنا ابونا علشان نجبي مصر
ونشترى شوية غله فقلنا لابونا انا ما تقدرش نروح الا اذا
كان اخونا الصغير ويانا علشان انا ما تقدرش نشوف
وش الراجل واخونا الصغير مش ويانا فقال لنا ابونا : انتم
عارفين ان امراتي ولدت لي ولدين واحد منهم خرج ولا رجعت
وقلت لازم يكون أكله الوحش ولد لوقت ما شفتوش فاذا أخذتم
الولد دا كان من قدام وشي وحصلت له مصيبه فانا أموت وانا
راجل شايب فدلوقت اذا رجعنا لابونا عبدك والولد مش ويانا
وروحه متعلقه بالولد . فلما يشوف ان الولد ضايع فانه يموت
فنكون احنا السبب في حزن ابونا وموته ونزوله للقبر وهو
حزين . وانا ضمنت الولد لابوي وقلت له اذا ما كنتش اجيب

لك الولد بالتاني اكون مذنّب في حق أبوي طول عمري .
فدلوقت خدني انا عبدك أقعد عندك بدل الولد وابق عبد لك
واما الولد فيروح مع اخواته . لاني ازاي اروح لابوي والولد
مش معاي واشوف الضرر اللي رايح يحصل لابوي ؟ (تكوين
١ : ١٨ — ٣٤)

وبعدين يوسف ما امكنوش بحكم نفسه قدام الموجودين
عنده فصرخ وقال : « طلّعوا كل الناس من هنا » فطلعوا كلهم
وما قعدش ولا واحد بعدين عرف يوسف اخواته بنفسه وعيط
بحس عالي . فسمع المصريين عياطه وسمعه كان بيت فرعون .
وقال يوسف لآخواته : « أنا يوسف . هل ابوي لسه حي »
فما امكنش اخواته انهم يردّوا عليه لانهم انخفضوا منه . فقال
يوسف لآخواته : قربوا عندي فقربوا . فقال انا أخوكم
يوسف اللي بعتوه الى مصر ودلوقت ما تنأسفوش ولا تزعلوش
علشان انكم بعتوني الى هنا . لان الله هو اللي بعثني قدامكم
علشان اكون سبب في حياة العالم . والجوع دلوقت بقاله سنين
في الارض . وباقي له خمس سنين كان ما يكونش فيها زرع ولا

ساد . وربنا بعثني قدامكم علشان أكون السبب في حياتكم
وفي نجاتكم من الهلاك . فدلوقت مش انتم اللي بعثوني هنا
ولكن الله هو اللي بعثني وخلاني زي أبو لفرعون وسيد على
كل أهل بيته ولي سلطه على كل أرض مصر . اسرعوا وروحوا
الى ابوي وقولوا له ابنك يوسف يقول لك : ان الله خلاني
سيد على كل مصر . تعال عندي ولا تتأخرش علشان تسكن
في أرض جاسان وتكون قريب مني انت واولادك واولاد
اولادك وغنمك وبقرك وكل اللي لك . واعدوك هناك لانه لسه
فيه خمس سنين يكون فيها الجوع أحسن تجوع انت واهل
بيتك وكل اللي لك . واديكم انتم شايقين ببيوتكم وكم كان اخويا
بنيامين شايق ان حنكي هو اللي بيكلمكم وتقولوا لابوي عن
الخبر اللي انا فيه في مصر وبكل شيء شفتوه هنا وتجيبيوا
ابوي قوام .

بعدن قام وحضن اخوه بنيامين وعيط وكم كان اخوه اترى
عليه وعيط وكم باس اخواته وعيط عليهم وبعدن اخواته
تكلموا وبياه

ووصل الخبر بيت فرعون وقالوا : « اخوات يوسف
جم » فانبسط فرعون وعبيده . فقال فرعون ليوسف « قول
لاخواتك يعملوا كذا يحملوا حميرهم بالمجل وروحوا لارض
كنعان ويجيبوا ابوهم وأهل بيوتهم عندي فأديهم خيرات أرض
مصر وياكلوا أحسن محصولاتها وانا أمرتك بكذا فتأخذوا
معاكم من أرض مصر عربيات لاولادكم ونسوانكم وهاتوا ابوكم
عليها وتعالوا . ومش لازم تحزنوا على عفشكم . لان كل خير
مصر رايح يكون لكم »

فأخوات يوسف عملوا زي كلام فرعون واداهم يوسف
العربيات حسب أمر فرعون واداهم كان زاد للطريق وادى كل
واحد منهم هدموم أما بنيامين فأداه تلتميت حته من الفضة
وخمس بدل ثياب وبعث لابوه عشر حمير شايله من خير مصر
وعشر حمير شايله قمح واكل لابوه علشان الطريق . وبعدن
صرف اخواته فروحوا وقال لهم : « ماتخانةقوش في السكه
وانتم مروحين »

وبعدن سافروا من مصر وجم الى أرض كنعان وقابلوا
(٥)

يعقوب أبوم وقالوا له : « يوسف لسه حي وهو المتسلط على كل أرض مصر » فحمد قلب يعقوب لانه ما صدقه مش وبمدين خبروه بكل كلام يوسف اللي كلمهم به وشاف العرييات اللي بعثها يوسف علشان يركب عليها فردت روحه وقال : « كفاية ان ابني يوسف لسه حي لدلوقت لازم أروح أشوفه قبل ما اموت » (تكوين ٤٥ : ١ - ٢٨)

وبمدين سافر يعقوب وأخذ كل اللي له وجاء لبير سبع ودبح دبايح لله إله ابوه اسحاق. وكلم ربنا يعقوب في المنام وقال له : « يا يعقوب يا يعقوب ». فقال يعقوب : نعم حاضر » فقال الرب : « انا الله إله أبوك ما تخافش من المرواح لمصر لأنني انا رايح أخذك شعب كبير في مصر وانا رايح أروح وياك لمصر وانا اطلعك منها واخلي يوسف يحط ايديه على عينيك » فقام يعقوب من بير سبع وحمل اولاده واولاد اولاده ونسوانهم في العرييات اللي بعثها فرعون علشانهم واخذوا وياهم مواشيهم وكل ما كان لهم في أرض كنعان وجم لمصر يعقوب وكل دريته اولاده واولاد اولاده معاه وبناته وبنات اولاده وكل دريته جات معاه لمصر

فارسل يعقوب يهوذا قدماه ليوسف علشان يورهم الطريق الى أرض جاسان وبمدين جم الى أرض جاسان. فركب يوسف عربيته وراح الى جاسان علشان يستقبل أبوه. ولما شافه حضنه وعيط على كتف أبوه مده طويلة. وقال يعقوب ليوسف : « دلوقت أموت بعد ما شفت وشك وعرفت انك لسه حي »

وبمدين قال يوسف لآخواته ولاهل بيت أبوه : « انا رايح أخبر فرعون وأقول له : أخواني واهل بيت ابوي اللي في أرض كنعان جم عندي والرجاله بيرعوا غنم. علشان انهم كانوا أصحاب مواشي وجم بغنمهم وبقرهم وكل اللي لهم. فاذا دعاكم فرعون وسألكم عن صنعتكم فتقولوا له ان عبيدك أصحاب مواشي من صغرنا لغاية دلوقت احنا وجدودنا كلهم. علشان يسكنكم في أرض جاسان ودا علشان ان كل اللي بيرعوا غنم هم نجسين عند المصريين (تكوين ٤٦ : ١ - ٧ و ٢٨ - ٣٤) وراح يوسف وأخبر فرعون وقال له : « أبوي وأخواتي وغنمهم وبقرهم وكل اللي لهم جم من أرض كنعان وهم موجودين

دلوقت في أرض جاسان «وأخذ يوسف من اخواته خمس رجاله ووقفهم قدام فرعون. فقال فرعون لهم: «ايه صنعتكم؟» فقالوا لفرعون: «عبيدك رعاة غنم احنا وجدودنا جميعاً كلهم وجينا لمصر علشان نرعى فيها لانه ما فيش مرعى لغنمنا لان الجوع شديد في أرض كنعان. فدلوقتي اسمح لعبيدك انهم يسكنوا في أرض جاسان»

فقال فرعون ليوسف: «أبوك واخواتك جم عندك. فارض مصر قدامك. في أحسن أرض سكن أبوك واخواتك خليهم يسكنوا في أرض جاسان واذا شفت فيهم ناس عندهم قدرة فعينهم رويسا على المواشي بتاعتي

وبعدين جاب يوسف ابوه يعقوب ووقفه قدام فرعون وبارك يعقوب فرعون. فقال فرعون ليعقوب: «عمر ك كام سنة» فقال يعقوب عدد سنين غربتي ميه وتلاتين سنة ودا عمر كله هم وغم ولا حصلش عمر جدودي في غربتهم. وبارك يعقوب فرعون وبعدين خرج من عند فرعون وخلي يوسف ابوه واخواته يعيشوا في أحسن أرض

مصر في أرض رعسيس زي أمر فرعون. وعال يوسف ابوه واخواته وكل أهل بيت أبوه ورتب لهم الاكل على حسب أولاد كل واحد منهم (تكوين ٤٧: ١-١٢)



ملعونته. واسبب عداوه بينك وبين المرأة وبين نسلك ونسلها.
هو يسحق رأسك وانت تسحق كعبه» (تك ١٤: ١٥ و ١٥)

(٢) قال الرب لابراهيم «اسحق رايح يخلف دريه تقسمي
باسمك» (تك ٢١: ١٢)

(٣) ونده ملاك الرب ابراهيم مره ثانيه من السما وقال له
«الرب يقول ان كل الامم تتبارك في دريتك علشان انك سمعت
كلامي» (تك ٢٢: ١٥ و ١٨)

(٤) الرب حلف لداود بالصدق ولا يرجعش في كلامه وقال
له. «اخلي واحد من نسلك على الكرسي بقاءك» (مز ١٣٢: ١١)

(٥) يقول الرب. «حاتيجي ايام اقيم فيها لداود فرع شجره
مقدس فيحكم زي ملك وينجح ويعمل الحق والعدل في الارض»
(أر ٢٣: ٥)

(٣ و ٢) تميم ١٩ و ٢٠ و ٢١ و ٢٢ و ٢٣ و ٢٤ و ٢٥

(٤) تميم ١٩ و ٢٠ و ٢١ و ٢٢ و ٢٣

(٥) » ١١ و ٢٠ و ٢١ و ٢٢ و ٢٣ و ٢٤

نقله من خط مرقس
الانبيا

(٥) النبوات وتتميمها

قال المسيح لتلاميذه

«ما تفكروا اني جيت علشان اهدم كتب موسى ولا
الانبيا لاني ما جيتش علشان اهدم ولكن علشان اكمل. انا
أكد لكم انه لغاية ما تزول السما والارض ما يروحش حرف
واحد ولا نقطه واحده من الكتب دي لغاية ما يكمل الكل.
فاللي يهدم واحده من الوصيات دي الصغيره ويعلم الناس كدا
يسمى الاصغر في ملك الله ولكن اللي يعمل ويعلم فدا يسمى
عظيم في ملك الله» (متى ١٧: ٥ - ١٩)

«الارض والسما يفنوا لكن كلامي مش رايح يفنى» (مرقس

١٣: ١٣)

النبوات

(١) قال الرب الاله للحية «علشان انك عملتي كدا تكوني

(١) تميم ٣٥ و ٣٨ و ٤١ و ٤٥

(٦) وقال «اسمعوا يا بيت داود مش مكفيكم انكم تتبعوا الناس حتى تتبعوا الاهي كان؟ وعلى كدا الرب نفسه يديكم علامه ان المدرا البنت البكر نجبل وتولد ابن وتسميه عمانويل يعني الله معنا» (اش ١٣: ٧ و ١٤)

(٧) «ولا يكونش فيه ضلام على اللي كانت في الضيق. في الزمان القديم الله جاب الذل على ارض زبولون وارض نفتالي ولكن في الزمان الاخراني اكرم الله الارض جنب البحر عبر الاردن اللي هو جليل الامم. الشعب الماشي في الضلام شاف نور عظيم واللي كانوا قاعدين في وادي الموت طلع عليهم نور» (اش ٩: ١ و ٢)

(٨) لانه يتولد لنا ولد ويكون لنا ابن وتكون الرياسه على كتفه ويكون اسمه عجيب مرشد الاله قدير اب ابدى. ريس

(٦) تميم ٢١ و ٢٤ و ٢٨ و ٤٣ و ٤٥

(٧) » ٢١ و ٢٥ و ٢٨

(٨) » ٢١ و ٢٢ و ٢٤ و ٢٨ و ٤٢ و ٤٥

السلام. ولا يكونش نهايه لزيادة رياسته وللسلام على كرسي داود وعلى مملكته علشان يثبتها ويسندها بالحق وبالعدل من دلوقت الى الابد. غيره الرب تعمل كدا (اش ٩: ٦ و ٧)

(٩) ولكن انت يا بيت لحم افرايه اللي انت صغيره في وسط عايلات يهوذا حا يطلع منك واحد يكون حاكم على اسرائيل واللي خروجه كان من زمان قديم من الاول خالص (ميخا ٥: ٢)

(١٠) لما كان اسرائيل عيل صغير انا حبيته وندهت ابني من مصر (هوشع ١١: ١)

(١١) روح الرب علي لانه مسحني لابشر الفقرا. وبعثني علشان اجبر خاطر الحزاني وابشر باطلاق المساجين وارجع النظر للعميان واحرر المذلولين واوعظ بسنة الله المرضيه ويوم

(٩) تميم ٢١ و ٢٢

(١٠) » ٢٣

(١١) » ٢٦ و ٢٧ و ٢٨ و ٢٩

انتقام لالا هنا (اش ٦١: ٢١)

(١٢) آدي عبيد الي اسنده. تقاوتي الي فرحت به نفسي
حطيت روجي عليه فيدي الحق للام. فهو ما يصرخش ولا
يعليش حسه فيتسمع في الشارع. عصايه مشروخه ما
يكسر هاش وفتيله مدخنه ما يطفهاش. هو يحكم بالحق.
لا يتعب ولا يغلب لغاية ما يمشي الحق في الارض. والجزاير
تسقى وصايه (اش ٤٢: ١-٤)

(١٣) شفت في حلم الليل انه جاي في غيم السما واحد زي
ابن الانسان جال للقديم الايام وقربوه قدامه. فاداله سلطان ومجد
وملك علشان تخدمه كل الشعوب وكل اللغات.
سلطانه سلطان دايم ما يفناش ومملكه ما ينتهيش ابدآ
(دا ١٣: ٧ و ١٤)

(١٢) تميم ٢٦ و ٢٨ و ٣٢ و ٣٥ و ٤٣ و ٤٥

(١٣) » ٢٨ و ٢٩ و ٤٢ و ٤٥

(١٤) افرحي يا بنت صهيون وغني يا بنت مدينة القدس.
لان ملكك جاي لك. فهو عادل ومنه الخلاص. متواضع
وراكب على حمار جحش ابن انا (زكريا ٩: ٩)

(١٥) تقبوا ايدي ورجلي وصار ممكن ان اعد كل عظمي.
بصوا في وزغروا وقسموا هدومي بينهم وعلى قميصي ضربوا
قرعه (مز ١٦: ٢٢-١٨)

(١٦) في بيت واحد تاكوا خروف الفصح ولا تاخدوش
شي من لحمه برا البيت. لا تكسروش عظمه منه (خر ١٢: ٤٦)

(١٧) وانا اسكب على بيت داود وعلى سكان مدينة القدس
روح النعمة والصلاه ويبصوا عليه اللي طعنوه ويعيطوا عليه
زي ما الواحد يعيط على ابنه الوحيد ويحزنوا عليه زي ما يحزن
الواحد على ابنه البكر (زكريا ١٢: ١٠)

(١٤) تميم ٣٠

(١٥) » ٣٦

(١٦) » ٣٩

(١٧) » ٣٩

(١٨) آدي عبدي رايح ينجح ويعلى ويترقى ويرتفع خالص
وكثيرين كان استعجبوا منه . شكله كان ملخبط اكثر من
بني آدم ومع كذا فهو يطهر امم كثيرة وبسببه الملوك تسد
حنكها علشان انهم شافوا اللي ما حدش قال لهم عليه واللي ما
سمعوش عنه فهموه

مين رضي يصدق كلامنا وظهرت قوة الرب لمين .
نبت قدامه زي فرع ضعيف وزى جذر من ارض ناشفه ما
فيهش ملاحه ولا جميل علشان نص له ولا لوش شكل
كويس نشهيه . الناس بتحقروه وتطرده وهو واخذ على الوجع
ومجرب الحزن وزى واحد مخبي وشه محقر مانفتكرش فيه
لكنه رفع عنا احزاننا واتحمل اوجاعنا واحنا افتكرناه انه
مضروب ومتهان من الله . وهو انجرح بسبب عصياننا واتسحق
علشان خطايانا . واحنا نلنا السلام لانه اتحمل القصاص عنا
وشفينا بجروحه . كلنا ضلينا زي الغنم كل واحد منا مشى في

ذنوبنا كلنا

ذل نفسه * ولا فتعش حنكه زي خروف
بجه ساكته تحت ايدن اللي يجزوها ولا

فتعش ده

اخدوه بالقوه ومن غير عدل . ومين كان يفكر في ايامه
انه اتقطع من ارض الحيين . انضرب علشان خطية شعبي . وخلوا
قبره مع الاشهار واندفن مع الغني ** ومع كل دا فهو ما عملش
ظلم ولا كانش في حنكه غش

ولكن الرب رضي انه يصحنه بالحزن . ان قدم روحه
ديحة خطيه يشوف دريه كبيره تعيش سنين طويله وبواسطته
تنجح ارادة الرب . وهو رايح يشوف نتيجة تعبته ويشبع منه .
وعبدي التقى بشطارته رايح يطهر ناس كثير وهو يحمل عنهم
خطايام

وعلى كذا فانا اجعل له مقام بين الناس المحبوبين وياخذ

نصيبه ويا المظلم. علشان انه سلم نفسه ويترقى ويرتفع خالص
ضمن المجرمين وهو حمل خطية كثيرين كان ملخبط اكثر من
(اش ٥٢: ١٣ - ١٥ و ٥٣) ه وبسببه الملوك تسد

عليه و

تتهيم النبوات

(١٩) كتاب ولادة المسيح ابن داود ابن ابراهيم (مت ١: ١)

(٢٠) انا بولس عبد المسيح ابن الله اللي اتولد من نسل
داود حسب الجسد (رو ١: ٣)

(٢١) في ايام هيرودس ملك اليهوديه ارسل الله الملاك
جبرائيل لبلد اسمها ناصره في الجليل لبنت بكر كانت مخطوبه
لراجل من بيت داود اسمه يوسف وكان اسمها مريم. فدخل
عندها الملاك وقال لها السلام لك يا اللي انعم الله عليها. الرب
وبارك. تكوني مباركه في النساء. فلما شافته انخفضت من كلامه
وقعدت تفتكر ايه يكون معنى السلام دا. فقال لها الملاك ما
تخافيش يا مريم لانك لقيتي نعمه عند الله. واتي رايحه تحبلي